

朱太復文集

朱太復文集卷之十九

五湖朱長春太復著

詩

五言排律

壬午

嘆息二十韻

歎息中率賤流遷吾道迷傷人無美室阨世且卑棲  
小雨半家漏微風滿闥淒巷中居少士市店賣無鮭  
夜語通闌闌朝光切睥睨樓低擬野樹含雜俯城溪

不佞遭時棄長貧與俗睽闔門苔上戶屏跡草荒蹊  
豈有狂同阮相應懶似稽新詩口自占舊冊手煩批  
識藥留頑監調羹信拙妻頻頻冷黑釜頓頓啖黃齏  
鹵莽世人薄飄零生事悽馬卿無驛立龐叟未羣携  
獻玉悲迷楚工竿恥附齊長瞻高關北獨立小城西  
困鳥猶患木神魚豈在泥欲看錐穎脫信有柱頭題  
劍拂交牛斗文成動壁奎何能寄簷宇抑首向人低  
笑未

孟秋日出令舒城呈辭座師黃太史閣下五

十韻

天地秋陰滿風塵客路荒朝分山縣節夕戢帝城  
裝飄泊南征急支離北顧傷出官辭象闕俗吏隔  
文昌拜席揮行淚登車賦別章生平勤意氣感激滌  
肝腸里族屋惟白流傳冠是黃雋纔三世隱業在五  
湖傍不造丁傾厦無平信復隍浮名同夢鹿挾榮果  
亡羊翁老家多難予生齒未長田園荒遂廢家室徙  
無常季子空懷憤嗣宗自笑狂詩書千蠹簡歲月一  
螢囊頗有岐嶷譽希逢時命康壯遊違伏莽弱冠始

賓庠州部名叨上公車黜屢當黜悲羞楚獻裘散困  
吳鄉汨汨征途役飄飄生事妨文皮迷隱豹落羽孽  
傷鶻蔡澤釜頻奪張卿舌未亡承顏身負米蓬首嬾  
辭妝儻舍風侵室賣文月聚糧終甘衣短褐絕想賦  
長揚不有工追琢何緣薦辟璜彈冠離輿淙委佩入  
岩廊勲業基初仕才名竊風望虛懷

君攬俊握鬋相求良天祿青箱府風流白玉堂擇材  
應瓠落騷客冒鵠張灑翰謝諸子分符領一方瀘江  
通漢澤舒邑阻山岡地脊城圍土村荒草上塘鳴琴

何以化製錦恐多傷雅慕牛刀割寧為虎冠殃膠膠  
填簿責忽忽倒衣裳身世轅駒局泥塗馬走忙吾行  
直召忌仕路除難量掣肘拘文灋搔唇觸憲網寧當  
容召杜胡以佐黃唐夫子名家秀文章翰苑芳宇中  
山斗望天上鳳麟祥特詔分春試掄才獻夜光門  
聯羣弟子宦遠獨封疆草塞幽陵塹風漂淮水湯中  
宵罷稅駕八月快鳴榔未嗜吳葦美長思漢署香為  
臣宣德業造物主行藏效節肅知遇據詞寄慨慷一  
歌三嘆息朔氣慘漁陽

乙酉

秋日廬丈峴山集分得三江十韻

雨歇遙山見風高衆木降  
草蟲鳴在砌秋葉墮穿牕  
席地爲賓坐窪尊作酒缸  
釣灘魚網集僧舍犬聲唳  
塔影浮孤直帆飛忽自雙  
避寒欲改席留興復移艤  
泛泛依溪舛行行度石砭  
桑園村室古沙折礪泉淙  
獨少碑同祐相招翁似龐  
重湖映峴首何必謝襄江

丁亥

清明永感詩一百韻

三季茅屋下倚杖哭清明父母寧重得乾坤空此生  
淚乾唯有血呼絕已無聲地下那知候帷中虛薦飭  
籬風寒俎豆簷日動銘旌一飯頻思嗜孤魂不啜羹  
容衣靜肅肅草土病焚焚自我如何罪雙親忽盡傾  
誰堪骨肉難相繼几筵并半百季猶淺艱難生未榮  
理如伸且屈數遂否無亨短折凡人惜劬勞況子情  
悲歌真痛切履歷一論評四姓吳名族千桑里富氓  
家居金淩僻門對具區泓黍稷唯倉滿牛羊用谷盛  
酒園施錦障花閣出朱甍息業常扶義揮金肯散羸



言卷二十一  
魯祖素封誠濟公捐粟萬石救荒民有誼義其門 一方豪右稟三世雅雋成

我父竒頭角鄉人屬鼎鑄才如飛兔駿賢豈角牛驂

七歲能吟鳳雙鬢早入黌看碑曹相詘倒屣蔡郎迎

清今吳潘岳風流漢禰衡人爭佳壻快天合泚媛貞

陳氏胡公系錢塘趙帝京曾開孔雀射果叶鳳凰盟

敬客能如冀求僊不學羸理機因助讀在饋只司烹

剗股生重趄父季三十患瘰垂盡母剗股投藥得起齊眉案獨擎共言

梁德耀遠配舜皇英好士來遺佩投人報有瓊文章

聲籍籍朋友咏丁丁逸思傾三峽高名動八紘九霄

搏俊鵬大海起飛鯨盛世羅天網嘉賓在野萃才人  
驚望海學士擬登瀛北斗虛聲價南陽竟卧耕蠖蟠  
長困屈龍伏未崢嶸可惜衣荷芰徒勞采杜蘅一生  
埋玉案 寶關遠金莖長賤招嫌棄為儒更弱俸初  
希九里潤老得萬人輕游倦黃金盡林空白藺盈破  
巢鴉自惡顛厦木難撐匡坐同原憲徒居似長卿常  
隨萍泛泛愁聽鳥嚶嚶俗盡嘲家喪誰能惜國禎寒  
裘帶敝索秋飯缺香杭來下無宣孟車中哭步兵瓶  
餘晨井冷薪盡午煙清乞貸何隣里奢豪自弟兄禦

窮勞母氏寧爵散家俸但苦教兒讀終羞事俗營得  
甘天損樂不與世情爭在櫪率垂暮於陰子和鳴猶  
能回大造豈說應長康少小傳乖角成人頗篤誠父  
書稍了了士氣志錚錚學行吾家有詞科海內宏四  
率

新主曆

予鄉舉在萬曆四年丙子歲

兩浙薦賢名

國運方開泰

門風漸集禎五旬偕貢籍三十冒簪纓共客看金榜

同時佩玉珩

癸未歲予計偕在京翁以貢赴選得見太常報及翁授教遂同以三月冠帶

春風閣道馬曉曰

帝階行前輩青絲絡何人白眼睛不愁賒綠蟻也得  
賜朱纓六月分羶席長河下驛程中秋亦章綬荒縣  
入蠻荆橋上乘車過鄉中負弩驚時時來父老小小  
奉盆罌始說書為寶真饒金滿籬官情弱晚仕客路  
毋東征此日樓船別吳江秋水瑩生徒迎越坼吏騎  
到舒城自喜供三釜聊堪傲五鯖客居纔歲月家難  
忽春正旅櫬江帆遠歸柩墓草繁此身存骨立拜父  
只心忪拭淚驚看髮含愁且勸觥一官漸老病孤署  
薄芹菁寧是衰多感終然恨未平殘年為放浪無日

不傷醒藉老林中客張公堂後笙酒人雖慢世狂藥  
遂傷精歎息才終詘平生苦盡更仙情希李白俗眼  
比劉伶落拓心誰識沈酣疾自嬰可憐逢二豎無術  
制三彭又是秋霜序長呼夜奠楹哀哀身欲死藜藿  
曲難賡竟闢封麻帛虛思高閑閑小男猶未仕一女  
寡無甥有恨看風木無錢買兆塋朝朝三溢米夜夜  
一孤藥忽見攀楊柳翻悲獻橘橙春秋催節令林日  
述陰晴廬僻城隅側牕空書帙橫功名嗟自晚事業  
向誰呈吟絕驚天地東風吹曉鶯

投贈座師諫議張慎吾先生公除北上二十

韻

張師由翰林改省

黃門天表近青鎖日華東清切才人選飛騰士望  
同聖朝弘直道夫子振儒風綵筆分金馬瑤篇烜  
玉缸子虛問正切諫獵氣尤雄品借文昌重官移省  
署崇百曹分禮秩四輔接優隆中使黃封出  
君王紫綬通鱗批真弼直檻折許孤忠焚草惟臣志  
從繩荷

聖聰三季違魏闕九列待匡公報

主心常壯憂時憤未終官程催夙駕水驛信飛蓬  
曉月披垣柳秋風禁院桐此時懷尺跡伏地獻重瞳  
白屋愁應悉青蒲論必工國謀新建本公望舊非空  
師傅欣張禹門生媿孔融縣分雙鳥速草卧一廬窮  
激烈離歌罷漫西望藻宮

遊嘉禾龍淵寺

一名三塔唐異僧懷山塞潭

川形縈衆水塔勢立三峯初地開金界高禪制玉龍  
殿荒巢白鶴楹古畫蒼松汀氣通虛檻帆陰射短壩  
日邊城澹澹雲際草茸茸鯨宅千年利鴻名歷代封

鮮痕磨碣字風意落簷鍾跡春多感殘僧暮不逢  
共吟懷古咏獨立想前踪君看牽舟石嶄巉似老筇  
出錢塘舟中述意、

菰岬微雲際蓀橈暮日前行開湖墅水漸遠浙江煙  
山淺清如抹川平澹渺然鳥行風慶斷虹脚兩邊懸  
戴勝嬌諸語吳蠶老四眠往來來欲盡早晚棹仍遷  
藥物常淹病詩篇徒滿牋白華關苦意青鬢動愁年  
自少西湖醉空思北里絃謝公遊有興陶令官無錢  
汗漫緣終淺妻孥累已牽已遲離閣事更負竹林賢



行止吾多恨交遊鄉可憐誰能供酒費長泛釣魚船  
同幸會稽司理陳立父過吳見問會予他出  
歸又阻疾竟缺一飲而立父黷矣伏枕愴然  
送之以詩二十韻

累月汀舟泛空廬郡郭偏故人頻問訊良會竟遷延  
置驛通何晚支林病復纏虛邀十日飲枉抱一琴絃  
湖海存兄弟飄零卅歲年敢攀朱博綬實負孟公筵  
下若平春水橫塘秀夏蓮山川徒有約枕席且悠然  
柳暗蓬門掩花飄錦節遠前溪吳榜曲浙水越人烟

去去程何速綿綿恨頗牽官情應自勝友誼更誰憐  
海氣姚墟外江雲禹廟邊今勞想望何日奉周旋  
苦我衣如雪高君論似泉呂安許命駕玄度遲談禪  
若念烏程酒寧迴王子船秋風把釣待行止願書傳  
鏡曲曾聞勝蘭亭向集賢吾能叩公府取醉竹城前  
聞座師黃葵陽先生進官春坊侍

經筵講三十韻

北極文昌啟西崑翰墨區龍旂朝引駕虎觀日延  
儒近侍班非濫聲華望必孚禹麾應壓陛堯室正開

衢賦筆枚臯捷談經黃霸殊宮寮青鎖闥講幄紫攢  
榆草牘晴雲檢花墀晝漏趨從容當納約吁咈可陳  
謨國運推三統天階奏六符從來羞管晏會見  
致黃虞社稷勲當盛門生道不孤曾叨元禮御幸與  
琳孫俱薦達多高第沈憂獨滯吾遠將渠令楚哭倚  
杖還吳萬事心魂震三年眼血枯聖廬居綴綴草榻  
卧瞿瞿古巷稀行馬空城啼宿鳥恨寧蕪姑此貧更  
似萊蕪厓免身行滌猶勞婦辟纊秋風疎竹徑春雨  
漏桑樞岑寂唯開帙愁吟獨據梧幾時陪赤舄萬里

望金鋪不見書天祿空思賦兩都

君王寵定好學士美無逾寶炬分宵直瓊漿出

御厨承恩欣盛際吐氣慰窮途黃閣須元老青雲  
滯壯夫潘季方苦髯王宰欲乘鳬大匠收羣木良裘  
豈一狐平津他日邱宵許揖吾徒

訓廬江馬使君長平信問三十韻

震澤秋風裏三季一病夫故人勞記憶使者問荒蕪  
奉札神相對關心語獨殊風流憐隱迹氣稟慰窮途  
天下交情在江邊客緒孤難從部內事還望府中趨

朱邑非循吏相如實雅儔偶然分五馬有幸接雙鳬  
腰折班雖限心同義可俱常希庭置水懃念里無襦  
綱紀超羣輩吟游和獨吾春花泥水席夜月蜀山壺  
勝賞身何再牢愁骨已癯不堪班綵冷重向藁苔呼  
哀絕南陔曲貧依止郭隅寒霜廬慘淡餘歲食艱虞  
久患將杯廢餘生賴藥扶淞書終歲癖得句暫時娛  
落拓從人笑支離且自迂漸成中散懶恐遂北山愚  
友道慚相勗官刑譽正孚傳聞新政美直與古人符  
俗化常無訟官清且愛軀鄉應生白髮

來書云骨瘦頭白

好

去伏青蒲雄俊如公少才名應

上須方推調玉燭莫想食秋鱸身世違千里雲泥滯  
五湖江風常近楚淮水不通吳下馬逢何日論文憶  
舊壚會沽燕市酒傲倪共臨衢

秋菊氣好貧居無圃移得一枝植盆中翫之

遂作十韻

秋菊好顏色西風吹未殘花香金縷細條勁碧陰寒  
淡得高人體幽宜靜者觀所居慙隱市浪迹苦貧官  
欲采猶無圃移栽且傍欄清清芬草閣冷冷映書壇

照月枝仍娜凝霜葉不乾通神氣有助翫物理相安  
正想王弘酒堪供屈子餐吟成意孤曠坐對拂琴彈  
戊子

宿于少保祠二十韻

千季崇報地一代中興臣國繫山河舊功扶日月  
新中軍初陷陣北狩嘆蒙塵借問能興楚還誰更哭  
秦姬公元主攝靈武自居真且阻南江馬依然北極  
神都城餘百戰寵辱一孤身不是摧胡膽何能反  
帝輪亂平功不賞禍慘意誰申應作萇弘碧難思張

限風雲氣自堅驥車期共騁鵬翼托高騫回首忽如

夢悲心鬱若前素冠三度雪饘粥五霜烟

乙酉以母陳夫人歿

賜丙戌春家大人丁亥復舊陳太母

閃極乾坤恨無平身世運枯魚泣

何及和崔念終焉心死原中草家頓墓上田猶羞安

邑累不受郭公捐土盥供燒藥銀鈿當米錢蒿深市

門閉布冷竹床眠茗口昨值機

呂以丙戌冬過烏程屏

廬陽屢

寄牋陳夢對歎歎加飯遠拳拳意氣相知在升沉四

海懸泥蛙猶草野霜鵠自秋天雅賦推司馬雄刀識

呂虔聲華高止極早晚列神仙勉周行業牢愁楚



客篇雕蟲吟自苦結縵意難宣何日即官酒中宵王  
子船高談碣石館乘興句溪淵寒火清餘酌秋牕薄  
舊檀悶開星劍動歌擊吐壺穿生事嫌妻問心腸異  
俗寧離羣共憂世淚灑月娟娟

矢比部莫子充同李二十韻

公望高丹極爲郎未白頭含香侍

天子過輦問諸侯榮跡朝華幻浮生夜壑幽十季官  
損業一死歛無裘旅邸妻兒病尸骸朋友收吏人知  
苦節國議惜清流白露銘旌遠黃河素旆秋客魂

經跋跣歸骨寄山丘門戶一朝冷交情半世休劍懸

悲季子介輟想莊周雪裏金臺館江邊黃鶴樓燕言

朝夕款書札往來投

子充前令江夏頗見遺書

忽望酒爐藹寧知

琴曲肅從今莫為善懷故幾歡遊同歲維桑契諸君

英髦儔風雲才盡妙霄漢氣俱遁歎息居廬久頗經

宿草憂親知重矣寢

同年蔡士會子妹夫以丙戌夏疫陸贍甫以丁亥春疫

南

北兩喪舟

丁亥冬南水部沈仲亨喪歸今年秋子充以北比部喪歸

彫落尊前恨

淹孤笛裏愁平生有情淚灑盡石山溝

已丑

吳門二周山人悉脩秉忠邀集虎丘賦十二

韻

今日扁舟興高朋載酒行寒風吳苑晦落木虎丘清  
野薄疎村舍禪房空俗情僕人尊壘至僧子石槁迎  
瓦竈浮春茗山盤飮晚橙異方同調集名士二難并  
白雪高吟落丹青好手呈

伯工詩  
仲工畫

洲煙淒遠望林壑

簇幽聲滄海浮雲濶包山夕照明悲涼季子墓浩蕩  
闔閭城懷古暮多念羈身壯不平楓江下初月客散  
意縱橫

冰阻吳門寄太倉陸震卿二十韻

寄語平原陸天寒興未乘酒鑪  
邈只尺舟楫斷河冰  
入國詢名士他鄉憶好朋  
海門何路去江閣屢朝憑  
候氣虛關尹登門失李膺  
昨勞踪跡覓今負札書仍

關使君李井玄曾徵同震卿會予未定館震卿覓予不得又期再會震卿有書亦不至

龍劍分

來久風雲聚不恒十季憐共滯  
雙關想同升哀客

聖廬草遷人白壁蠅雄風老自惜  
俠氣世人憎聞說

狂如昨懸知貧更增隣家賒酒蟻  
病婦卧床藤

聞震卿內

子久

一疏乞官冷

震卿自謫官轉餘杭令不病就乞改教又久不赴補

孤身抗

跡矜何愁懶軒冕長咲傲漁父東望悲窮鳥南溟阻  
大鵬笑途還念藉嘯谷未逢登憶處寒潮月歌邊水  
郭燈生涯話何日世事懷難勝似我羈槽馬如公脫  
臂鷹白頭筋尚健萬里一飛騰

阻水邂逅屠儀部長卿陳永嘉公衡因為小  
酌招李計部升玄集吳園三十韻

窮冬積冰雪客路會交親阻泊皆高雅舟檣若比鄰  
風塵希一遇天地不無神好借山陽宴羞辭阮藉貧  
頻勞款地主未忍別情人

升玄前日有酌

小婦初調饋

舟中新得

吳姬獠奴解煮尊柑携市裏薄袍貫酒來新況得名遊

地堪投上客輪風煙吳苑暮山水碩園春列戟即官

至飛鳬仙令臻名花俯檻外美石照池濱洞戶藏丹

嶠玄房倚綠筠礪留三秀草槎斷百率津出入迷幽

邃躋攀覺除岫仙麋啣果熟孔雀舞屏馴園有孔雀物色

相門舊文端公白樓之後招延士習淳別供加豆好改席宴

遊頻園主具酒盃別館改酌點竹何須問持車定莫嗔狂徒輸

禮數酒態逸人倫眼底無俗物尊前有傲臣長卿以狂被放

長眠歌李白驚坐語陳遵片月論文夜千秋聚德辰

清時容面目世路愧頭巾且惜高歌地休嗟獨滯身  
蘭亭多里彥河朔侈豪賓北海留尊滿南州下榻塵  
交非傾蓋晚氣有扶筌真宇宙存詞賦生涯任屈伸  
幾時會更好滿地意誰申此別習池路霜江望暮榛

庚寅

月輪山同客登六和塔春望分得六微成十  
韻

野寺錢塘口高風禪塔巍江流古浩浩海色暮霏霏  
吳越人烟合乾坤日氣微天空初倚檻地迥更添衣

石壁丹青落雲標物色稀晚潮懷禹蹟春郭想王畿  
溟外三韓近巖邊雙關非遊人富渚望估客穆陵歸  
世路勞面首空林欲息機茫茫萬里目壯髮覺心違  
上河道御史大夫印川潘公頌德詩三十五

韻

昭代乾坤真何人社稷忠三朝存舊德四載著元  
功委弁民生遠宣房帝福同茫茫禹蹟古粒粒舜率  
豐壯極皇居鞏南宗國賦充井輸千地利漕輓  
萬人工白粲來如玉黃河裊若弓津渠連汝泗地脉



帶華戎雪浪至今除金隄自古崇崑崙萬里入渤海  
九支通憶昨遭洪水

先皇正罪躬蛟龍騰踴躍并邑望冥濛洛女濡瓊珮  
馮夷鼓貝宮 聖朝方泰運倚任必英雄白馬沈無  
用玄衣簡未窮疏排脩故道荒度洩諸洪嶽竇清開  
闢陰陽劃朗融圭承賜

天子薪免負羣公稼穡中原沃簪纓世典隆南箕讒  
似錦北斗譽如嵩棄置非

君意孤貞荷 聖聰賜環欣有象秉鉞望非熊再定

淮雲北依然來日東綉衣新執法白版舊司空天運  
開

明主川靈效老翁應知嶽神秀似映歲星紅几杖承  
恩際風雲報

主中此身長繫國垂暮更如童四海詢黃髮孤忠  
指白虹通家曾御李小吏尚飄蓬禮接丈人行踪希  
前輩風孔尊思泛泛潘髯憶髮髻下若紅桃麗東齊  
白麥莢遊仙攀鶴馭問道望鴻蒙河洛神功在宗朝  
永未終

香山寺

象劫入冥寥蓮峰望鬱岩山川隔下界日月近空霄  
翠樹盤香徑青嵐度玉橋松風千壑應花雨四天飄  
閣望函京氣亭臨渤海潮關烟通北塞地勢擁皇  
朝

天子金輿度中人翠管邀桃花遊屢入桂樹隱時招  
不睹清涼境安知炎暑銷臨池立官馬蕭散且今朝

朱太復文集卷之十終

朱太復文集卷之二十

五湖朱長春太復著

詩

五言排律

辛卯

上元縣齋宴官僚

早春閒訟閣元夕宴賓僚落日明千乘浮雲空九霄  
花開庭際火月出海東潮錦席杯盤燦空城簫管嬌  
已留歡雅酌復坐聽風謠臘樹含星白華燈照雪消

六六集卷之三  
鵲離中夜叫槐實小簷飄虛壁胡牀冷寒槽官馬蕭  
共諧投轄好獨望 賜酺遙窳落東方未酣歌負  
聖朝

公衙朝坐不刑一人

雨罷出朝日飛雲城際深閣庭輝早木簷宇叫初禽  
海僻春多晏官閒務少侵蒲鞭息清晝柳葉度高陰  
門豁吏呼淺人空花影森荅

君唯簡靜避世暫浮沈風出小山爽潮來大壑濔下  
堂琴響罷因見古人心

壬辰 七首

西園觀葵

葦葵不見惜隨意署亭萋草靡無人到花開忽自齊  
高枝擎露雨雜蘂絢雲霓白蝶來紛舞黃鸝隱細啼  
洋風根不斷海市景還低磊落如長竹穠霏映野藜  
未嫌侵曲檻若為媚幽棲退食聊微矚吟詩初剪畦  
齋蔬折豎子餌法報山妻合道神相悅尋機意欲悽  
魂懸三極壯身棄九夷西躋蹙雞肋支離病馬蹄  
孤株同蕪莠失性一塗泥未比深山簡猶羞早雨萋

芳誰蒙夕採僻且免春犂一被太陽照傾心炯不迷  
壬辰蟠月在陽信縣移病乞休咏懷之作是  
年四十成四十韻

客久幾為厲生殘乃乞身何言官悞我本識隱由人  
浩蕩雄心羅蘧蔭病骨屯短歌謝世事長笑出風塵  
匣賸青萍劍頭留白葛巾報

君驚寂寞此物歎沈淪廣斥元窮塞幽沙不見春海  
唇吞地表河尾絡天津鰲蜃樓臺氣蛟龍劍戟鱗寒  
霾蔽日晦濤霧壓城湮四裔玄夷部三季黑水濱官

衡等區脫卧榻類京困白忝難充腹清笳氣損神到  
逢秋瘴猛久中朔寒頻妾女雲鬟禿僮兒雪足皴將  
風閉密幄過雨易重茵拙仕終無賴微軀半不仁藥  
爐轉逼老卧簣動連旬國小雖稀事身羸會有因料  
錢羞病餌案牘怕官嗔九死偷餘在窮荒莫更逡只  
思逃魍魎絕意傍麒麟出谷非依樹還山有採薪此  
生成廢物聖代許逋臣八咏休被褐五噫歸煮萁  
無兒轉畏死有婦不辭貧理豈殊行止身今信屈伸  
魚遊愁國國鹿走悅旻旻解印神旋善登舟氣必新



被囊收故物行理趁春辰河北遲攀柳江南早採蘋  
我家臨市水風物動比隣樓敞青山豁籬虛白日勻  
年來疎五柳此去長孤筠木艇供乘興山瓢示率真  
病貪脩道力窮喜絕人倫鼎熟經行後尊開喚所親  
粗粗談野稼細細下谿綸芝草曾辭漢桃花不避秦  
古來堯舜世丘壑有遺民

癸巳

上太僕卿霖寰李公頌謝憤懷之作四十韻

時在休告

自古才難起公今官始尊驂騑騰早駕雕鶚厲秋翻  
天意仁終在風騷氣庶存客星歸帝座卿月傍中垣  
伯罔膺周命滕公坐漢軒從寮分慎簡法駕近承恩  
八尺天閑種千羣雲錦屯龍身況太乙帝眷度昆侖  
才子歌應好名傳望宿敦崇斑佇北斗雅業掩西崑  
士苑驚飛兔詞源起大鯤翩翩看翡翠往往得璵璠  
好事倡鳴銓新聲濫和埴獨羞下里奏直欲古人論  
陵厲懸高幟馳駟建兩轡斐然裁小子卓爾動中原  
萬俗名孤秀河瀛氣吐吞三千諸弟育七十二經綯

東土學政

天下歸模楷先生豈寤諶

李公時即欣在謝病

陪九列更莫謝參藩

自山東學使者遷河南大參尋召入太僕

吾道開

聲價斯文獨淚痕龍門曾得御塵座幾清言禮略上

官遇情深後輩援論文垂絕倒說劍欲騰騫暖律嗟

寒黍春風到朽根帳書叨許許筆札每溫溫斥鷃焉

知咲泥蛙徒自喧數篇憐孟浪七始愧窮源可惜虛

長策難攀泣短轅黃沙邊縣慘白日海樓昏多病真

尸位孤臣敢叫閭空承薦羽獵未有問文園足壁羞

妃子頭蓬似老髡瘴侵三歲枕苔瑣九秋門不是投

魍魎其如侶，驚黿餘生甘乞骨。逝死賦招魂，北極辭  
雙鳥。東籬老一罇，漂流負聖代。哀廢寄乾坤，麟閣  
無賢漢。漁舟放水村，終身媿伯樂。萬憤一鳴冤。

移病入舟，有喜生還，咏懷呈謝中丞孫公六

十韻

丹竈求仙令，金門避世郎。素心長落度，多病竟陽狂。  
折柳辭孤碣，飛花下濁漳。入舟初浩蕩，移枕故悲涼。  
九死餘江客，三季出海王。地窮鰲極外，天杳蜃樓傍。  
黑磧殘春雪，玄雲不夜霜。斥田黃黍餘，塞井白鹽漿。

水澤多精怪魚龍雜崇殃沙寒中手足土爛入衣裳  
薄命真憂鵬徵官等觸羊簿書神不善服食氣多傷  
末疾催頭白偏風歷草黃強行親竹杖長卧斷繩牀  
束縛泥塗滯遽蔭身世妨素餐羞狗馬供藥累糟糠  
不許歸彭澤常愁葬海洋無心維食粟敢望賜含香  
賦筆君雖問漁竿客已藏平生終遠關百病且還鄉  
寤寐考槃味蹉跎止輦章招魂反絕徼請沐謝明光  
遁世不得已入山從此長乾坤無禁錮泉石奈膏肓  
極北雲霄涕圖南春水汪布帆江眇眇風悞岬茫茫

舞燕翻輕幟遊絲引去檣于焉隱鰕菜逝矣老滄浪  
今日身知在此生恩敢忘羃衣罷驥泣吹律死灰揚  
知己真難副名公更莫當 國朝忠烈後帶礪世家  
望朱綬光三葉白眉著五常儒風振東魯詩體絕中  
唐一世論金玉如今見鳳皇節旄新壯業衡鑑舊芬  
芳遠憶開東觀宏詞試左廂疏毫皇極殿奏賦中書  
堂獨被奇鸚鵡誰推侍柏梁一朝忝聲價十載困康  
莊文舉能交禰士衡未謁張雖然叨部邑終亦限宮  
墻病吏容疎節微才薦濫觴不知成朽廢猶欲起騰

先大父文集 詩卷之十  
驤翽 國劍空利報恩珠已亡西吳還北牖南紀遠  
東方烏幕愁穿眼龍門憶斷腸養病貪鹿走陳力謝  
驚行汎汎五湖宅間間十畝桑細君調白釀監子理  
青箱曲几開千古高眠傲上皇官無煩口腹客有倒  
杯觴病馬難鞭策驚鴻畏孽創擊壺非我事投鼻為  
誰忙近喜遊僊什將携採藥囊九丹三秀草兩屐五  
游裝漁父谿花落麻姑壇草荒但延百歲健不望九  
天翔仰首懷封樹低眉吮鍊鋼有情臨出處自古意  
難量

甲午

贈虞長孺三十韻

百季訪古道獨介見清流跡寄朝中隱心冥物外游  
五兵橫武庫八極眇神州靜理通禪觀玄詮足冥搜  
著書問天子筆札動公侯十載官班冗孤標物議收  
選曹領臧首佳士絕人儔鳳集多隨鳥鵬搏却笑鳩  
長林本有志積羽太多咻可怪三人虎終汗五月裘  
雖明叔夜嬾竟作仲翔投棄置時何謬優游老即休  
卜居新枕漱高卧漱衾稠雷塔西湖底花洲南寺頭



沈沈雲外竈泯泯竹間樓野性長宜曠禪心不離幽  
書林通曰隙藥白引泉周學字傳高足翻經過比丘  
悠然虎溪社悵矣鹿門遊借問明空相真能遣累憂  
妻兒夜壑逝兄弟古燈留五畝無登蔞終朝有戲鷗  
隣通新井汲舍免舊糧偷更說黃芽長私傳丹火抽  
幾時行白鹿何處出青牛世路多遼豕吾行亦楚猴  
病夫從此隱遷客莫悲秋近地幾錢買東家倘亦求  
談談分麀席泛泛共漁舟張陸曾交讓知無效顰羞  
時與虞有買隣同隱之約虞寄詩云爭長羊須大世  
落及此

明弟復不第馳望寫懷二十韻

淪落復吾弟飄零一賤僞連城  
甬剗壁大海幾遺珠  
調絕知音少才疎千世迂  
時人無狗監何物是龍駒  
南斗劍空耿東方袍竟輸黃金  
盡久客白眼笑窮途  
旅筵催征鴈亭臯走野狐  
幾時歸騎出九月授衣無  
黯黯携書笈皇皇問酒壚  
望君心竟折垂老意多虞  
被擁三季卧藤扶兩足枯  
強羞石巖倚枕讀靈樞  
家已傾脩藥人皆咲朽株  
衰形豈黼藻晚計只菰蘆  
翟尉嘲羅雀莊生戲賦狙  
炎涼舉世有貧病一家俱

到日芳萸菊窮秋熟稻稌已催釀桑落相傍煮彫胡  
鴻豹迹名隱池塘屬咏娛謝公稱四友餘興在吾徒

乙未 三首

載酒餘不溪携客道場山改席歸雲菴廻船

碧浪湖

溪盤遊徑曲山引放船清白屋鶯啼曙平臯麥秀晴  
絲繁風裊裊花炫日盈盈西屐登厓迥雙柑坐石平  
暖沙邀拾翠香礪逗吹笙社燕避人舞樵童領客行  
幽探過野寺携酌對春耕肅以林嵐景冷然山水聲

冶遊迷落日餘醉緩歸程薄暮芳洲上褰裳采杜蘅  
潘頌甫外弟訪我南湖對飲曠閣

南渚遙停棹北牕初罷眠入林吾弟興倒徙老夫憐  
未蘇秋村僻山川晚景鮮閣虛飛嶺色竹白上湖烟  
摘靛青絲引采菱紅刺亭田家泥飲古濠濮野談偏  
柳外過僧磬蘆中看釣船荷花蕩水側梧葉墮風圓  
高木餘霞散色山遠雨懸風流伯仲忝藜藿主賓便  
近水最宜月浮觴可問天安仁能夜坐吾醉為鳴絃

呈贈敬菴許元生自閩中丞進南京少司馬

二十韻

儒臣論昭代公似薛文清斟酌三才統嚆齊六藝英  
風霜瞻壯節日月揭高名道衍南宗派官分北斗衡  
磨礱知玉性銷鑠顯金精屢謫終無罪宗躋舊有聲  
時危開幕府海晏鎮邊城鯨浪春揚武龍韜夜論兵  
三韓胡舶入百濟島人驚聖世雖重譯朝廷壯請  
纓經綸文武憲出入節旄榮南轄分匡衛中權晉亞  
卿喉司鄰帝座鈴畧掃天槍震舞方籬羽商羹且待  
烹然揮鄒魯緒勲業旦衡爭模楷看前哲吹噓媿後

生為郎卧消渴避世隱柴荆向日心空在陵雲賦不  
成一竿從釣碣五畝課畦畊莫問江湖意床頭恥劍  
鳴

八月十五大雨不得泛湖同李寅中邀舊令  
王真空道人于昭慶僧如能樓中夜飲

無月空臨酒停船罷泛湖燈依古寺靜雨滿夜樓孤  
竹氣疎金磬松風冷玉壺雲壇塵尾淨水饌鴈頭枯  
聽法林公鶴遊仙葉令鳬玄詮洽方外白社集山隅  
客有悲秋賦禪懸照夜珠自然開白室不假照金樞

經畧朝鮮宋公招宴于孤山影玉堂呈謝

開府

山東日子為門下舉吏

處士梅花舊尚書綠野尊山峯翠落檻湖水白當門  
鶴放歸鄰渚鷗眠上短垣叅差飄水樂瀟灑引山嶂  
海燕銀絲菜江蓮白雪根歌移晚艇過席改竹亭昏  
堂後門生宴山東國士恩別離談宿昔勲畧震乾坤  
渡海三年役各王百戰存和我終得利埽穴竟空喧  
麟閣封侯議龍沙報

主魂臣中神劍耿未宜滯丘園

七言排律

三首

丙戌

代老翁對酒贈客

借問彈琴阮千里內家潘岳氣相憐  
所居官縣臨苕水相對衡門倚釣船  
半世飄零餘白髮百年心事薄青錢  
步兵壘魄須澆酒翁伯家貧肯好賢  
有榻每來名下士無時不向醉中眠  
夜霜白白留城舍寒橘青青上野筵  
此日揮毫傾四座慚予鳴缶續餘篇  
生涯中聖清尊裡風物遺民白社邊  
達士古來惟適志不



須服藥學神仙

丁亥

夜坐聞笛憶太倉陸震卿行人膠州趙仁甫

中書被計外謫

白月三更玉笛花傷春萬里憶天涯故人久別書難  
得謫宦新傳淚轉餘中翰漢宮今御草行人周道頌  
皇華未關潦倒違官事慙是清狂召物譁近侍美階  
人盡羨才名新進亦休誇陸機貶斥緣高譽趙壹孤  
危太疾耶每想倚廬居左海

時陸在  
艱居

幾時前席到長

沙窮愁正好文章進逐客還憐杯酒加潤達齊邦人  
重氣風流吳苑介名家賈生不是中朝妬蕭傳無勞  
外補嗟玩世飄零餘白幘他時珍重佩青綬  
聖朝不比湘潭放莫向行吟歎狹斜

庚寅

恭遇祠泰山微雨志喜作靈雨篇呈潘大夫

時御史大夫潘公  
詔詣泰山禱雨

朝來靈澤下河隈政是登祠太嶽回三觀日啣丹  
詔至五松雨逐大夫來東皇愛物初歆祀

天子憂農正倚臺觸石蒙蒙動仙氣平原漠漠灑浮埃青蒲綠柳嫋生色燕子鳬雛喜欲猜裊娜乍看興渤海纖絺還自出徂徠田家望歲欣餘麥農候依時及送梅五月為送梅雨好得龍王駕造次顙邀神女佩徘徊村村賽社餘釵釧望望迎神洗酒壘南旺雙流須泛漲東蒙十日且雲雷即看舟楫通漕利一掃江湖行路哀萬國此時沾雨露小臣中道望蓬萊周宣雲漢勤民

主傳說甘霖濟旱材吳越昨聞苗已種青徐且喜歲

無灾戲簾今日梳頭好倚枕涼天病眼開遙想衆林  
歡有曲欲歌封禪愧無才

五言絕句

已卯

入山

山深石色古洞草無行跡何處有人家朝烟澗西白

乙酉

燕二首

風急燕毛稀翩翩秋欲歸遶梁三顧壘復住不能飛

其二

雄雌相叫呼對坐啄其羽  
但有戀巢心不知向誰語  
丙戌

秋夜河中

兩圻青蘆葉飄飄響應空  
獨船楊樹下半夜坐乘風

丁亥

春興

朝來微雨過一樹梨花開  
春色滿牆頭紛紛啼鳥來  
春溪漫句五絕

遠山輝樹葉春水動籬根麥秀離離隴桃紅處處村  
其二

野日氣浮動長汀煙淡清畦空黃鳥下沙淨綠蘆生  
其三

草芽青似髮雲葉淡於煙細澗過村犢垂楊繫渡船  
其四

海燕斜翻水山鳩獨叫林溪帆時近遠漁罟半浮沉  
其五

竹下閒過鹿松中間出花隔船游士女對垵酒人家

江上客詞四首

老年學行路估客過孟津江白寒風裏潮聲愁殺人

其二

江南到江北江上路一千采蓮前月去霜落宿誰邊

其三

江船楊子津江上水村貧處處無佳釀如何送酒人

其四

西度寄得書道歸定復虛浮衆拍紫蟹好醉憶何如

送別陳立父又賦四絕

白霜十一月送客吳溪濱此別孤城冷誰為下榻人

其二

吳酒莫辭醉越帆從此分邊江秦望遠君看峴山雲

其三

仰視雲間鴈隨帆向越飛托將離恨去何日繫書歸

其四

明月東山好先憑貰酒杯但看剡水雪儻有客船來

戊子

湖閣四絕句



湖曉

衆鳥叫空山湖波亦聞槳起視江郭間林清日莽莽

湖晚

晚來雨氣收湖烟澹如帟月出欲離山浮光動秋水

湖晴

登樓豁四望諸山爽致鮮遠江雲際樹深浦鳥邊船

湖雨

山雨意逾遠湖雲波乍深中亭靜有致澹望清人心

雪絕句八首

北風吹初雪慘澹寒雲際古巷倚枯楊鳥落廬門閉  
其二

樓戶兩三重朝開雪光度却望雙溪雲濛濛如秋霧  
其三

汨汨復沄沄風急紛如舞乍點綺窗前更墮莓堦下  
其四

雲中澹汀樹雪際杳寒山小午回風壯行船浦底還  
其五

積雪東溪白清陰映竹枝孤樓涼似水終日澹無思

其六

流風蕩晚氣水雪交清暉野晦山如畫沙虛雲乍微

其七

玉軫清冰絃登樓彈白雪悲涼萬里心眇然為誰絕

其八

東溪上涼月照雪淡如一天高鳥白啼清興孤何極

己丑

橫塘夜泛曲十五首

今夜夜遊好空城白水長一船載明月與客下橫塘

其二

白蘋古洲上相憶江南蓮空水月中  
遙舟停何處邊

其三

綠塘沙際樓處處流明月霜氣帶湖烟  
清輝助相簇

其四

寒沙白石鮮是昔五亭道古木月中清  
人家蔽秋草

其五

白水帶寒城澹然如積雪枯柳石洲邊  
橫船望秋月

其六

禁柵東城傍浦深石橋梁月明雙蕩槳唱合蓮花在  
其七

野酌城南月曠然見遠山水鳴蒲葦激下渚釣船還  
其八

夜久羣物清野色渚際多月光搖酒影水氣撲人歌  
其九

乍登涼臺上更泛月河裏俯仰弄秋光流風半夜起  
其十

九月天清高河風生白濤空船不蓋席吹濕木綿袍

其十一

月直木陰平遙城浩如霽空湖氣澹人久坐生秋思

其十二

醉聞號白鳥愁思忽而發仰指北辰星攜杯望天末

其十三

衆客歌參差西風凌獨舉仗劍當明月慷慨向誰語

其十四

秋清物色虛夜靜城氣蕭遊人還下渚獨犬吠長橋

其十五

滿月過中天惠氣方浩然濃霜如薄雪夜肅且回船

庚寅

夜過鑑湖六絕

城南鏡湖斜行人夜渡沙若耶何處去雲曲是人家

其二

鑑湖聞說好巖色照波間夜裏看烟際遙知蘭渚山

其三

泯泯夕湖迷漁燈白照堤采蓮思越女素足渡溪西

其四

船過竹亭空沙澹水塘古莊傳道士莫是賀知章

其五

潯水與船平夜聞泉落聲此時鏡裏過偏憶月華明

其六

越船輕似弩幾里到溪頭借問舟人去中流可暫留

越還夜度西湖四絕

扁舟下西湖落日照春瀨江烟泯泯來白上南峯外

其二

日照山川媚風光樂事殊六橋遊女轉輕楫蕩春湖



其三

返照落湖沙雲昏晦水涯郭頭燈火動遲識釣魚家

其四

暝色滅諸山雲沙澹相映輕船過竹風獨坐領清興

金山泉

行看山曲泉却坐垂楊側隔水聽黃鸝岩邊棟花白

招華寺泉

水清藻欲香石淺沙如雪懸崖坐若崩枯木歌垂絕

辛卯

鎖院中秋興雜句十首

同馬主一

窻白夜吟時四更小月度惆悵上床眠忽忽啼烏曙

其二

牀前攤素書坐看移白日返景沒蒼苔愁歎無人識

其三

莫樂新相知我歌子起舞得意一言間因見古人古

其四

海黑風吹裳霜如落月光低頭不得意鴈過忽懷鄉

其五

胡鴈萬里毛西方太白高拔刀中夜舞意氣為誰豪

其六

雨過秋風猛楮葉滿庭吹行拾置几間裁書當寄誰

其七

兩人把孤酌坐談霜濕襪湖際月來遲牢愁見秋落

其八

明月周東西葉落盡榆樹濃霜打宿鴉何事不飛去

其九

小妹三江南小弟九河北片月萬里白小婦中閨織

其十

寒蟲唧唧白髮奈銓何秋病閉門中不銓思更多

甲午

携酒山橋對月三首

移酒臨秋礪平橋白如几明月來松中徘徊照巖底

其二

夜山如秋水忽忽林風發露濕薜蘿衣浮觴弄秋月

其三

挂樹倒懸磯人喧宿鳥飛折花延客舞留月送僧歸

曠閣夕霽四首

日出深雨後川上生微烟隔湖蘆沒垸半拂釣魚船

其二

衆山白復青浮雲散蘋末落景欲近湖餘光動菱葉

其三

巖徑樵獨歸村扉鳥雙入暮川清客心獨酌對落日

其四

清淺見夕烟人家礪西樹渡頭月氣多遙識僧鍾處

朱太復文集卷之二十終